

奉節縣志卷十七

風俗

地有剛柔燥濕俗有奢儉貞淫而其風皆自上倡之鄒魯之文學秦楚之强悍唐魏之勤儉風尚所趨習俗屢易豈徒地氣使然抑亦主持政教者之責也志風俗

紳士無事不至公庭恆以奔競為恥間有一二好事者鄉黨即薄其人而心拒之舊志

其人豪俠其俗信鬼其稅易徵其民不偷李

奉節縣志

卷十七

風俗

一

孫都督  
府記

民以無事為福不喜健訟王龜齡詩夔峽民  
醕獄訟稀使君無事只吟詩舊志

地不產蠶桑專以耕種為業舊志

土瘠民貧農末相半舊志

工不求精物無至巧舊志

俗尊官長素號易治王十朋題易治堂詩云  
風俗無難易治之端在人古夔尤易治風俗

本來淳府志

地與楚接人多勁勇有將帥材華陽國志

藉商賈以爲國有楚遺風府志

峽土礪确暖氣晚達故民燒地而耕謂之火

耕杜甫詩注

元旦拜神祀祖卑幼拜尊長親友互相拜謁謂之拜年

人日夔人重諸葛公舊於是日結伴出游八陣圖謂之踏磧婦人拾小石之可穿者繫於釵頭以爲一歲之瑞見陸游詩注今此風息

奉節縣志

卷十七

風俗

二

矣

上元俗喜張燈歲豐尤盛仿古逐疫之意清明前後十日民間相率墓祭祭畢飲食而歸孟子所謂墦間之祭者也新塚則於社前祭之

端午屈原於夔爲鄉賢故於此節餽角黍并龍舟競渡之戲歲以爲常角黍俗名粽子

七夕今俗女子先養豆芽是夕月下摘取擲碗中視其影以驗巧拙其他穿鍼乞巧與

古同

中元設饌祭祖先焚紙錢包袱又有釀金作孟蘭會者

中秋前數日有餅果之餽是夕祀月燈燭輝煌爆竹之聲不絕與除夕相似

下元俗以初一日掃墓並翦紙爲衣履等物於墳前焚之謂送寒衣或但焚紙錢而歸

臘月初八日諸寺送臘八粥俗以二十三日祀竈三十日接竈又謂二十四日爲小年相

奉節縣志

卷十七

風俗

三

與饋問爲饋歲酒食相邀長幼聚飲爲別歲俗名團年至險夜達旦不眠爲守歲蘇東坡有饋歲別歲守歲詩言蜀之風俗如是以今考之信不誣也

冠成童則加冠古三加禮久廢

婚男家通媒妁女家俞允始設宴送禮幣於女家互寫男女年庚於書謂之填庚遇節令有餽遺謂之送節請期親迎俱於古禮不甚相遠女家致嫁奩則稱其家之貧富焉

喪親喪居廳堂三日大殮朝夕上食訃告於親友親友乃弔致祭賻卜葬日乃題主以紙竹作明器俱仿紫陽家禮爲之然哀餘於禮者少矣遵制持服二十七月

祭邑俗無先祠奉主於家忌日設享清明中元十月朔則祭墓

〔按〕奉邑土地礪确山多田少農民專務力穡以糞多力勤者爲上供賦養家皆仰於此士勤誦讀或授徒以自給工匠樸拙貨不外菽

粟布帛酒蔬之屬故鮮富商大賈居奇焉聞之父老云乾嘉以來民安儉陋宴會無山海之珍衣飾皆荆布之素從無非笑之者近則衣冠物采踵事增華矣然俗以化移有心世道者相與躬行節儉以救其弊可乎